

مجله علمی و ادبی

مجله مطبعه و اداره :

جغسال اوغلنده امنیت
سندوغی حوارینده
شنکول یقوشنده
۲۲ نوسرو

امطار :

مسلمکمز موافق آثار
جدیه مع الممنونیه
قبول اولنور
درج ایدله یین آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئون اسلامیه در بحث ابر و خلاصه در نشر اولنور .

آبونه بدلی

صاحب و مؤسسلری :

ابوالعلاؤ زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قبرله دن مقوا بورو ایله کوندربیلر سه سنوی
۲۰ غروش فضله آلنیر

سنه لکی	القی آیانی	غروش
۶۵	۳۵	۳۵
۶۵	۳۵	۳۵
۱۷	۹	فرانق

عدد : ۱۲۶

۲ صفر پنجشنبه ۲۰ کانون ثانی ۳۲۶

بشنجی جلد

تضم شتات المسلمين بوحدة
الى اى ناد للتعارف يرتجى
لعمرك هذا ما اراد الهنا
وتحیی ربوع العلم فهی موات
اذا لم توحدهم (عرفات)
من الحج لا الاحرام والوقوفات

نظرت بنی قومی یتیم، ن فی الفلا
وان قام فیهم مصلح خاب سعیه
وان اجمعوا امراً وساروا بمنهج
فهم مثل اغنام بمرعى تصیبه
اذا قصرت شاة وخلت قطیعها
کذلک اهل الغرب تدأب جهدها
فهم مثل ذاک الذئب والقوم جمع
نیام کاهل الکهف طال هجودهم

(لفارس) فی الاسلام شأن تضالت
نظرت الیها وهی تصلح امرها
تروم صلاحاً شأنها مثل شأننا
غدت لینی التأمیر والروس مطمعا
یقولون انا نحفظ لامن (خدعة)
فیا معشر الاسلام هبوا وادفعوا
ویا زعماء المسلمین الی متی
الیکم فہذا الدین اتم حماة
واتم لیوم السلم موکب عزه
الیکم فہذا خیر ما تفعلونه
اعیدوا لہذا الدین سابق عزه

لدى وصفه الافکار والخطرات
وتهدم صرح الظلم فهو شکاة
فتتخذ لها الالهواء والصدمات
وحلت بها الالهوال والنکبات
وعقبى التفاضى الویل والحسرات
عن الحوض والاسیاف منصلتات
رقادکم قد آتت القیظات
اذا خذلتہ من ینہ حاة
واتم لیوم الحرب فیہ کما
واذا فخرکم لا لالعظم النجرات
تعادلکم (ایامہ النصرات)

بشیر یموت

شئون

بناراده دور جدید مراسم جلوسیه - ۶ محرم الحرام جمعہ کوئی
امیر جدید سید امیر عالم خان حضرت تری والی بولندقری کرمنہ ولا-
یتندن بخارایہ مواصات ایتشدر عادات ، مراسم محلیہ ایلہ امیر جدیدک
تخت حکمرانی یہ قعودی اعلان ایدیلمش ، شہری ولولہ لہ غرق اولمشدر ،
محرم الحرامک لون ایکنجی پنجشنبہ کوئی مراسم جلوسیہ نک اجراسی
رسماً الویہ وملحقانہ بولسان اعیان ، اشراف ، علما ، ومأمورینہ
اعلان ایدیلمشدر . فی الواقع او کون علی الصباح بتون بخارا
اہالیسی سواققرہ دوکیش ، سرای حکمداری اولان « اریک »
میدانلی خنجاخنچ طولمشدر . علما ، وزراء ، اعیان ، اشراف روس مأمورین
سیاسیہ سی حلقہ سرایہ داخل اولہرق قبل الزوال ساعت ۱۰ دە مراسم
جلوسیہ اجرا وحکمدار جدید امیر عالم خان حضرت تری نہ رسم بیعت
ایفا اولمشدر . بو مراسمی متعاقب بخارانک اصلاحات
اساسیہ سنہ عائد بیاننامہ امیری قرائت ایدیلہرک حاضر بالجلس اولانلرک

انظر دقتاری جلب ایدیلمش و بویلاجه مراسمہ ایکی ساعت صکرہ نہایت
ویریلشدر . ساعت ۱۲ دە وزیر اعظم نصراہ پروانہجی
طرفدن اریک میدانندہ بولنان بالجلہ مأمورین وعسا کرک مواجہہ سندہ
اصلاحات اساسیہ عائد اولان بیاننامہ قرائت ایدیلہرک . تا قبل وزیر
مشارالیہ ومقرینندن محمد یونس حضراتی طرفدن اوزون وبلینغ نطقلر
ایراد اولنش وحکمدار حضرت تری نک مقصد عالی ترقی پروانہ سی تشریح
وتوضیح ، خلافتہ حرکت ایدنلرک مجازات شدیدہ معروض
قالہ جقاری تفہیم ایدلشدر .

بیاننامہ نسخ مطبوعہ سنک بالعموم بخارا ولایات ، شہر وقصبہ لرینہ
ارسالی واهالی یہ تعمیم وتفہیم اولنسی تنسیب اولمشدر .
بو صورت مطبوعہ هنوز ادارہ مزہ واصل اولہمدینندن عیاً نقل
ایدہمدک . کلہجک نسخہ لردہ اشاء اللہ ترجمہ ایددرز . فقط باشلیجہ
قسملرینی بخارادن الدیغمر مکتوبلر احتوا ایتکدہ اولدیغندن بروجہ آتی
نقل ایدیورز :

بالعموم . مأمورین حکومتک شمدی یہ قدر امیرلہ تقدیم ایتکدہ
اولدقاری ہدایانک لغوی ، محاکم شرعیہ نک اصلاحی ، اہالیدن النان
محکمہ ومہر پارہ لرینک تعدیل ، مملکتک طرق عمومیہ سنک تعمیر
وتنظیمی ، شوسہ یوللرینک تکثیری ، کوپرولرک تعمیر ، مدارس
ومساجدک تعمیر ، مکاتب ابتدائیہ نک اصلاحی ، ہرطرفجہ مکاتب
ابتدائیہ نک کشاد وتکثیری ، ویرکولرک تعدیل (بو اہالینک منفعت
کلیہ سنی موجب اولہجق برصورتہ جدول مخصوص ایلہ کوستریامش
وتیجہدہ پارہدن زیادہ اہالی وتبعہ نزد حکمداریدہ قیمتدار بولندینی
ذکر ایدیلمشدر) امور تجاریہ نک سربستسی ، امور عسکریہ نک اصلاح
وتنظیمی ، عسا کرک قانون دائرہ سندہ اخدی . مسن وخستہ نفرلرک
ساک عسکریدن اخراج واستبدالی ، معاشات عسکریہ نک مرفہا کچینہجک
برصورتہ تزییدی ، مأمورین شرعیہ وملکیہ دن شکایت ایدہجک لرک
رمغدرلرک طوغریدن طوغری یہ حضرت امیرہ مراجعتی . . . کبی
مواد مہمہ اساسیہ دن عبارت اولان بیاننامہ نک تطبیق والیرہ ، مأمورین
شرعیہ ، عسکریہ وملکیہ یہ تقویض اولمشدر . اجرا وتطبیقندہ
تکاسل کوسترنلرک مؤیداً مأموریتدن طرد ومجازات شدیدہ یہ
کرفتار ایدیلہجک لرینہ دائر تنبیہات ایلہ بیاننامہ ختام بولمقدہدر .
بالعموم اہالی بوبیاننامہ دن صوک درجہ ممنون اولہرق امیر جدید
حضرت تری نک عمر وعافیتی ایچون سوبنچ کوزیاشری دوکہرک دعادہ
بولمشدر . بوندن صکرہ محبوسین سیاسیہ وعادیہ دن ۶۹ نفر
تخایہ ایدیلہشدر .

صدر اعظم حق پاشا حضرت تری نہ

فخا تہاب ،

وطن عثمانینک ہر ذرہ خاک کی نہ مرتبہ مقدس ایسہ کافہ افراد تبعہ نک
جان وعرض ومالی دخی اودرجہ عزیز ومحترمدر . کریدہ غیر مسلم
تبعہ عاصیہ سنک عنصر اسلام غلیہنہ روا کوردکری مظالم واعتسافات